

# SUDSKA PRAKSA I NOVOUSVOJENI ZAKONI

## NEWSLETTER



Dobrodošli!  
Novembarsko izdanje newslettera sadrži redovne  
informacije o:

- Praksi Evropskog suda za ljudska prava
- Aktuelnostima iz pravosuđa BiH
- Bazi sudskih odluka VSTV-a BiH

## VAŽNO

Web stranica Odjela za sudsku dokumentaciju i edukaciju Sekretarijata VSTV-a BiH, koji za vas priprema i uređuje newsletter predstavlja centralno mjesto za pristup izabranim sudskim odlukama i zakonima sa izmjenama i dopunama, što značajno olakšava i ubrzava rad učesnicima u sudskom postupku.

Nosioci pravosudnih funkcija u BiH korisničke podatke za pristup zakonima i edukativnim materijalima mogu tražiti putem e-maila: [osde@pravosudje.ba](mailto:osde@pravosudje.ba).

### Napomena:

Link određenog zakona iz newslettera vodi do ekrana u koji trebate unijeti korisničke podatke i nakon prijave potrebno je ponovo kliknuti na link tog zakona iz newslettera kako bi se isti otvorio.

Za pregled ostalih vijesti iz pravosuđa, sudske prakse iz regiona i Evropskog suda za ljudska prava, stručnih radova i publikacija posjetite <https://csd.pravosudje.ba>.



## POSEBNO IZDVAJAMO

**Usaglašena pravna  
shvatanja na  
sastanku Panela za  
ujednačavanje  
sudske prakse iz  
upravne oblasti**

[Naknada za eksproprijaciju  
zemljišta u vlasništvu  
Bosne i Hercegovine](#)

[Obračun ličnog koeficijenta  
primjenom člana 47.  
Zakona o penzijskom i  
invalidskom osiguranju](#)

# INFORMACIJE O NAJNOVIJIM PREDMETIMA ESLJP

Praksa Evropskog suda  
za ljudska prava od 10. i  
12. decembra 2024.  
godine

Praksa obuhvata predmete koji se odnose na skrbništvo, žrtve trgovine ljudima, teško porodično nasilje nad ženom od strane vanbračnog partnera, disciplinsku mjeru izrečenu učiteljici zbog njenog učešća na jednodnevnoj obustavi rada i slično.

[PROČITAJ VIŠE](#)







# AKTUELNOSTI



## Sud BiH domaćin Panela za ujednačavanje sudske prakse

Dana 10. decembra 2024. godine u Sudu Bosne i Hercegovine je održan posljednji ovogodišnji Panel za ujednačavanje sudske prakse iz krivične/građanske oblasti.

Na panelima su razmatrane teme koje su od posebnog interesa i značaja za cijelu pravosudnu zajednicu, od nužnih elemenata činjeničnog opisa djela u krivičnom postupku protiv pravnih osoba, do najaktuelnije teme – izvođenja elektronskih dokaza na glavnom pretresu.



[PROČITAJ VIŠE](#)





## Održan seminar na temu „Primjena Smjernica za objavljivanje sudskih i tužilačkih odluka, akata i informacija o predmetima“

Dana 26. novembra 2024. godine u prostorijama Centra za edukaciju sudija i tužilaca Federacije Bosne i Hercegovine realizovan je seminar na temu „Primjena Smjernica za objavljivanje sudskih i tužilačkih odluka, akata i informacija o predmetima“ u saradnji Odjela za sudsku dokumentaciju i edukaciju Visokog sudskog i tužilačkog vijeća Bosne i Hercegovine, Misije OSCE-a u Bosni i Hercegovini i AIRE Centra iz Londona.

## Sastanak glasnogovornika tužilaštava u Bosni i Hercegovini

Uz podršku Projekta „Jačanje tužilaca u sistemu krivičnog pravosuđa“ i Odjela za unapređenje efikasnosti i kvaliteta rada u tužilaštvima Sekretarijata Visokog sudskog i tužilačkog vijeća Bosne i Hercegovine 09. i 10.12.2024. godine u Tesliću je održan redovni godišnji sastanak glasnogovornika tužilaštava u Bosni i Hercegovini.

Poseban osvrt dat je na objavljivanje optužnica u predmetima od javnog interesa i saopštenja za javnost na web stranicama tužilaštava u Bosni i Hercegovini.



[PROČITAJ VIŠE](#)


[PROČITAJ VIŠE](#)

# BAZA SUDSKIH ODLUKA VSTV-A BIH

**Unapređenjem novih funkcionalnosti, omogućena je copy-paste opcija preuzimanja sadržaja sudskih odluka.**

Uz podršku Evropske Unije intenziviran je unos sudskih odluka, tako da vam je dostupno novih 217 odluka iz krivične, građanske i upravne oblasti.

Sa ovim unosom kroz Bazu sudskih odluka imate pristup ukupno 28256 odluka svih sudova u Bosni i Hercegovini.





# Zakoni Bosna i Hercegovina 2024.



## Zakon o plaćama i drugim naknadama u sudskim i tužilačkim institucijama na nivou Bosne i Hercegovine

U „Službenom glasniku Bosne i Hercegovine“ broj 79/24 od 19.11.2024. godine objavljen je Zakon o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, koji je usvojila Parlamentarna skupština Bosne i Hercegovine, na 22. sjednici Predstavničkog doma, održanoj 22. oktobra 2024. godine, i na 15. sjednici Doma naroda, održanoj 12. novembra 2024. godine.

Zakon o plaćama i drugim naknadama u sudskim i tužilačkim institucijama na nivou Bosne i Hercegovine objavljen je u „Službenom glasniku Bosne i Hercegovine“ broj 90/05, 32/07 i 77/20.

Ovaj zakon stupa na snagu osmog dana od dana objave u "Službenom glasniku BiH".

[PREUZMI ZAKON](#)



# Zakoni Federacije BiH 2024.



## Zakon o unutrašnjoj trgovini

U „Službenim novinama Federacije Bosne i Hercegovine“ broj 87/24 od 6.11.2024. godine objavljen je Zakon o unutrašnjoj trgovini koji je usvojio Parlament Federacije Bosne i Hercegovine na sjednici Predstavničkog doma od 22. i 23.10.2024. godine i na sjednici Doma naroda od 31.10.2024. godine.

Danom stupanja na snagu ovog zakona prestaje da važi Zakon o unutrašnjoj trgovini ("Službene novine Federacije BiH", br. 40/10 i 79/17)

Ovaj Zakon stupa na snagu osmog dana od dana objavljivanja u "Službenim novinama Federacije BiH".

[PREUZMI ZAKON](#)



# Zakoni Republike Srpske 2024.



## Zakon o deviznom poslovanju

U "Službenom glasniku Republike Srpske" broj 107/24 od 12.12.2024. godine objavljen je Zakon o izmjenama i dopunama Zakona o deviznom poslovanju, koji je Narodna skupština Republike Srpske usvojila na Dvanaestoj redovnoj sjednici, održanoj 28. novembra 2024. godine, a Vijeće naroda 9. decembra 2024. godine konstatovalo da se usvojeni Zakon o izmjenama i dopunama Zakona o deviznom poslovanju ne odnosi na vitalni nacionalni interes nijednog od konstitutivnih naroda u Republici Srpskoj, čime su se ispunili formalno-pravni uslovi za donošenje ukaza.

Zakon o deviznom poslovanju objavljen je u "Službenom glasniku Republike Srpske" broj 96/03, 123/06, 92/09, 20/14 i 20/18.

Ovaj zakon stupa na snagu osmog dana od dana objavljivanja u "Službenom glasniku Republike Srpske", osim odredaba čl. 19d, 33, 33a. i 33b. Zakona, a koje stupaju na snagu godinu dana od dana objavljivanja ovog zakona.

[PREUZMI ZAKON](#)



Finansira Evropska unija

Newsletter je pripremljen uz finansijsku podršku Evropske unije. Za njegov sadržaj isključivo odgovara Visoko sudsko i tužilačko vijeće Bosne i Hercegovine i ni u kom slučaju ne predstavlja stavove Evropske unije.



Implementira VSTV BiH